


Nettengd Biblía fyrir börn

kynnir

Jesús mettar fimm þúsund



Höfundur: Edward Hughes
Myndskreytingar: Janie Forest
Alastair Paterson
Aðlagð af: Ruth Klassen
Þýðandi: Þráinn Kristjánsson
Framleiðandi: Bible for Children
www.M1914.org

BFC
PO Box 3
Winnipeg, MB R3C 2G1
Canada

©2020 Bible for Children, Inc.

Skilmálar: Þér er heimilt að afrita eða prenta þessa sögu,
en ekki selja.

Faríseum var samt
að ljúga uppá Jesú,
og sumir þeirra
reyndu að
drepa
hann.

Þeir trúðu ekki að hann væri
raunverulega sonur Guðs,
þrátt fyrir öll
kraftaverk
hans, sem
sönnuðu að
hann væri
sonur
Guðs.



Dag einn fór Jesús yfir um Galíleuvatn. Kannski hann hafi viljað komast í burtu frá mannfjöldanum sem fylgdi honum hvert sem hann fór. En fyrr en varði, fundu þeir hann á afskekktum stað. Fólkið sóttist eftir návist hans og kraftaverkum.




3

Jesús fór uppá fjall þar sem hann settist niður að kenna lærisveinum sínum, og fólksfjöldinn fór vaxandi. Farið var að líða á kvöldið, og flestir sennilega hungraðir.




4

Jesú var litið á mannfjöldann og sagði við Filippus, "Hvar fáum við brauð til að fæða allt þetta fólk?" Engar búðir voru nálægar. Hvað skyldi Jesús hafa haft í huga?




5

"Það mundi kosta voða mikið að fæða allt þetta fólk". Svaraði Filippus, vitandi þess að þeir höfðu takmarkaða peninga.




6

Þá sagði Andrés, einn af lærisveinum og bróðir Símonar Péturs, "Það er drengur hér með fimm byggbrauð og tvo fiska....."



7

"... en hvað er það, handa svo mörgum?" Andrés gerði sér ljóst, þó svo að drengurinn gæfi mat sinn allan, að það yrði aðeins sem dropi í hafið handa öllu þessu fólk.




8

Jesús sagði, "Látið fólkið setjast niður" Og fimm þúsund menn, ásamt konum og börnum sem ekki voru meðtalin, settust niður á grasið.



9

Því næst tók Jesús brauðin og fiskana, nesti drengsins, sem hann hafði greinilega gefið Jesús án þess að hafa hugmynd um hvað stóð til, eða hvað Jesús ætlaðist fyrir með nestið hans.



10

Þá fór Jesús með bæn. Hann þakkaði Guði fyrir brauðin fimm og fiskana tvo, og bað hann að blessa matinn.




11

Að lokinni bæn, tók Jesús brauðin fimm og fiskana tvo, gaf lærisveinunum til að skipta með mannfjöldanum, og gátu allir fengið svo mikið sem þeir vildu. Samt var mikill afgangur. Þvílíkt kraftaverk!



12

Eftir að allir voru búnir að borða nægju sína, var enn mikið af brauði og fiski eftir. Jesús sagði þá við lærisveina sína, "Safnið saman leifunum svo ekkert spillist." Þeir söfnuðu síðan leifunum saman og fylltu tólf körfur.



13

Þennan dag mettaði Jesús yfir fimm þúsund manns með nesti lítils drengs. Í annan tíma mettaði hann fjögur þúsund manns með sjö brauðum og fáeinum fiskum. Þegar menn sáu táknið sem Jesús gerði urðu þeir ekki reyðir eins og Farísearnir. Þess í stað sögðu þeir, "Þessi maður er sannarlega spámaðurinn sem koma skal í heiminn." Þeir vissu að Jesús var frelsarinn sem boðaður var í heilagri ritningu.



14

Jesús mettar fimm þúsund


Sögu þessa úr heilagri ritningu, biblíunni,

er að finna í

Jóhannesi 6

"Þegar orð þín ljúkast upp, ljóma þau."
Sálmarnir 119:130

15



51



60

16

Þessi biblíusaga er um okkar dýrlega Guð, sem skapaði okkur, og sem vill að þú þekkir hann.

Guð veit að við höfum öll gert rangt, sem hann kallar synd. Hegning syndarinnar er dauði, en Guð elskar þig svo mikið, að hann sendi sinn eina son, Jesú, til að deyja á krossi í hegningarskini fyrir syndir þínar. Svo vaknaði Jesús aftur til lífs, og fór heim til himnaríkis. Ef þú trúir á Jesú, og biður hann að fyrirgefa þér syndir þínar, þá fyrirgefur hann þér tafarlaust, og kemur til að lifa í þér, og þú með honum til eilífðar.

Ef þú trúir þessu, segðu þá eftirfarandi til Guðs:
Kæri Jesús, ég trúi að þú sért Guð, sem komst í líki manns til að deyja fyrir syndir mínar, og komst svo aftur til lífs. Ég bið þig að koma nú inní líf mitt og fyrirgefa mér syndir mínar, svo ég geti byrjað nýtt líf, og komið svo til að vera með þér í himnaríki. Hjálpaðu mér að hlýðnast þér, og lifa fyrir þig sem barn Guðs. Amen

Lestu biblíuna og talaðu við Guð á hverjum degi!

17